

# **Namminersorluni inuussutissarsiuteqartut nalikilliliissuteqartarnerannut maleruagassat ukioq aningaasarsiorfik 2013 aallarnerfigalugu atuutilersut pillugit ilitsersuut**

## **Akilerartarnermi inatsimmik allanngineq**

Namminersorluni inuussutissarsiuteqartut nalikilliliissuteqartarnerannut maleruagassat 2013 aallarnerfigalugu allanngortineqarput. Ukioq aningaasarsiorfik 2012 ilanngullugu killeqanngitsumik nalikilliliissuteqartoqarsinnaasimavoq. Nalikilliliissutilli annerpaamik namminersorluni suliffeqarfiup isertitai ingerlatsinermi aningaasartuutit ilanngariikkat sinnersimassanagit.

Namminersorluni inuussutissarsiuteqartut nalikilliliissuteqartarnerannut maleruagassat pineqartut maanna allanngortinneqarput selskabit il.il. nalikilliliissuteqartarnerannut maleruagassanut assingunerulersillugit. Taamaasilluni nalikilliliissutigineqarsinnaasut immikkoortiternerini ataasiakkaani ukiumut nalikilliliissutigineqarsinnaasut annerpaaffissalersorneqalerlutik. Ilitsersuutip matumap siunertarivaa namminersorlutik inuussutissarsiuteqartut 2013-imi siunissamilu akilerarutitigut nalikilliliissuteqarsinnaanermut periarfissaasa pingaarnersiorlugit allaaserineqarnissaat. Ilitsersuut imarisassamigut tamakkiisutut isigineqarsinnaanngilaq, taamaattumillu matumunnga atatillugu maleruagassanut kaajallaasitamullu, ilitsersuutip matumap naggataani allassimasut, innersuutigineqassallutik.

## **Nalikilliliinerit suuppat?**

Nalikilliliinerit tassaapput pigisap suliffeqarfimmi piffissami atorneqarfiani nalikilliarthoneramik oqaatigineqarsinnaasut. Pigisat, suliffeqarfimmi tamakkiisumik ilaannakortumilluunniit atorneqartut taamaallaat akilerarutitigut nalikilliliissutigineqarsinnaapput.

Nalikilliliisarnermi maleruagassat naapertorlugit namminersorluni inuussutissarsiummik ingerlatsisut arlalitsigut periarfissinneqarput, pigisat nalikilliliissutigineqarsinnaasut nalikillieriaataat aningaasarsiat akileraruteqaataasussanik naatsorsuinermi qanoq annertutigisut qanorlu iliorluni ilanngaatigineqarsinnaannerannik.

*Assersuut 1 takuuk.*

*Assersuutit ilitsersuutip matumap naggataani katersorneqarput.*

## **Nalikilliliissutigineqarsinnaasut immikkoortiterneri**

Nalikilliliissutissat annertussusissaat nalikillileriaatsinullu periaatsit assigiingitsut atuuttussaapput pigisat Immikkoortunut ukununga tunngasut:

- Illuutit atortullu ikkussorneqarsimasut
- Umiarsuit timmisartullu
- Ingerlatsinermit atortut, pequtit pigisallu tigussaangitsut ilaallu ilanngullugit

Immikkoortumi kingulliullugu taasani, tassa pigisat ingerlatsinermit atortut pequtillu saniatigut, assersuutigalugu init allanngortiternerinut aningaasartuutit, goodwill, aalisagartaasanik pisassiissutit, pigisanut piffis-

sami killilimmi pisinnaatitaaffinnut aningaasartuutit aammalu atassusertinnermi ikkussuineranut aningaa-sartuutit ilaatinneqarputtaaq.

Nalikilliliissuteqarnermi makku ilaatinneqanngittuarsinnarput:

- Illuutit pequtillu inunnit pigineqartut, inigisassatullu attartortinneqartut, suliffeqarfiup piginnittuata sulisuminut attartortitsinera pineqartinnagu.
- Illuutit aasarsiortarfiit pequtillu inunnit pigineqartut.

### **Illuutit atortullu ikkussorneqarsimasut**

Illuutit atortullu ikkussorneqarsimasut inuussutissarsiornermut atorneqartut pissarsiarinerini nalingisa ukiumut 5 %-ii angullugit nalikillilerneqarsinnaapput.

*Assersuut 2 takuuk.*

Namminersorluni inuussutissarsiortup illuutip pissarsiarinerani nalinga, ukiumi nalikilliliissutit, nalikilliliissutit katinnerat aammalu illuutip nalikilliliissutaareersut ilanngaatigereerlugit nalinga naatsorsussavai. Illuutit ataasiakkaarlugit taamatut naatsorsuusiorneqassapput.

Illuutigisaq tunineqarpat tunisinermi akigititaq nalimit nalikilliliissutigineqarsinnaasup sinneruttuanit ilanngaatigineqassaaq. Naatsorsugaq amigartoorutitalimmik inerineqarpat, taanna illuutip ukiumi tunineqarfiani nalikilliliissutigineqartussap sinneratut ilanngaatineqarsinnaavoq. Akerlianillu iluanaarutitalimmik tunineqarpat, ukiumi tunineqarfiani aningaasarsianit akileraaruteqaataasussanik naatsorsuinermi ilanngunneqassapput.

### **Umiarsuit timmisartullu**

Umiarsuit ima paasineqassapput suulluunniit puttasinnaasut, ilaatigut prammit, angallatit nuannaariartaatit assigisaallu kiisalu timmisartut ima paasineqassallutik suulluunniit timmisinnaasut.

Umiarsuit imaluunniit timmisartut inuussutissarsiornermut atorneqartut pissarsiarinerini nalingisa ukiumut 10 %-ii angullugit nalikillilerneqarsinnaapput.

Namminersorluni inuussutissarsiortup umiarsuup imaluunniit timmisartup pissarsiarinerani nalinga, ukiumi nalikilliliissutit, nalikilliliissutit katinnerat aammalu nalikilliliissutaareersut ilanngaatigereerlugit nalinga naatsorsussavai. Pigisat ataasiakkaarlugit taamatut naatsorsuusiorneqassapput.

Pigisaq tunineqarpat tunisinermi akigititaq nalimit nalikilliliissutigineqarsinnaasup sinneruttuanit ilanngaatigineqassaaq. Naatsorsugaq amigartoorutitalimmik inerineqarpat, taanna ukiumi tunineqarfiani nalikilliliissutigineqartussap sinneratut ilanngaatineqarsinnaavoq. Akerlianillu iluanaarutitalimmik tunineqarpat, ukiumi tunineqarfiani aningaasarsianit akileraaruteqaataasussanik naatsorsuinermi ilanngunneqassapput.

*Assersuut 3 takuuk*

### **Ingerlatsinermi atortut, pequtit pigisallu tigussaangitsut ilaallu ilanngullugit**

Immikkoortumi kingulliullugu taasani, tassa pigisat ingerlatsineranut atortut pequtillu saniatigut, assersuutigalugu init allangortiternerinut aningaasartuutit, goodwill, aalisagartaasanik pisassiissutit, pigisanut piffisami killilimmi pisinnaatitaaffinnut aningaasartuutit aammalu atassusertinnermi ikkussuineranut aningaasartuutit ilaatinneqarputtaaq.

Ingerlatsinermit atortut il.il. nalikilliliissutigineqarsinnaasut sinneruttui aallaavigalugit nalikillinerneqartassapput. Pissarsiarineri nalit, soorlu umiarsuarnut timmisartunullu qulaani taaneqartunut tunngavigineqartut assignagit matumani nalikilliliissutigineqarsinnaasut sinneruttui aallaavigalugit ukiumut nalikilliliissuteqartoqartassaaq.

Nalikilliliissutigineqarsinnaasut sinneruttui ukiup aningaasarsiorfiup kingullerpaap naanerani annertussusaat ukiup ingerlanerani pissarsiarineqarsimasunik tamanik ilallugit kiisalu ukiup ingerlanerani tunineqarsimasunik tamanik ilanngareerlugit nalikilliliissutigineqarsinnaasut sinneruttui naatsorsorneqassapput.

Tamatuma kingorna naatsorsugaq minusimik inerneqarpat, taava naatsorsugaq minusimik inernilik tamaat aningaasarsianik akileraaruteqaataasussanik naatsorsuinermit ilanngunneqassaaq. Naatsorsugaq nalikilliliissutigineqarsinnaasunik sinneruttunik inerneqarpat, sinneruttut ukiumut 30 %-ii angullugit nalikilliliissutigineqarsinnaapput.

Nalikilliliissutigineqarsinnaasut imikkoortuini tassani pigisat ataasiakkaat tunineqarnerini iluanaaruteqartoqarsimanera imaluunniit ajunaarutitalimmik tunisisoqarsimanera naatsorsorneqassanngillat.

Ingerlatsinermit atortut il.il. pissarsiarinerini 100.000 koruunit angullugit akeqartut, maleruagassat qulaani pineqartut apeqquaatinnagit tamakkiisumik nalikillilerneqarnissaat toqqarneqarsinnaavoq.

*Assersuut 4 takuuk*

#### **Pigisat inuussutissarsiornermut privatimillu atorineqartut.**

Pigisat inuussutissarsiornermut privatimillu atorineqartut nalikilliliissuteqarfigineqartut aningaasarsianik akileraaruteqaataasussanik naatsorsuinermit aatsaat ilanngaatigineqarsinnaapput tamakkiisumit atorineqarneranit inuussutissarsiornermut privatimillu atorineqarnerisa annertussusii naapertorlugit.

Tamarmiusumik atorineqarnerisa minnerpaamik 50 %-ii inuussutissarsiornermit atorineqarpata nalikilliliineq aatsaat pisinnaavoq.

#### **Inatsisitigut maleruagassanut, nalunaarummut aamma kaajallaasitamut innersuussinerit**

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, kingusinnerpaamillu Inatsisartut inatsisaatigut nr. 9, 3. december 2012-imeersukkut allangortinneqartumi § 23.

*Akilerartarnermi nalikilliliinerit pillugit nalunaarut nutaaq ammalu kaajallaasitaq nutaaq 2013-imi upernaap ingerlanerani naammassillugit suliarineqarnissaat naatsorsuutigineqarpoq.*

**Assersuut 1 – nalikillieriaatsip akileraartarnermilu nalikilliliinerit ataqatigiinnerat**

Pigisaq inuussutissarsiornermut atorneqartot 500.000 kr.-inik nalilik 2013-imi pissarsiarineqarpoq. 2013-imi 150.000 kr.-it, 2014-imi 105.000 kr.-it, 2015-imi 73.500 kr.it nalikilliliissutigineqarput 2016-imilu pigisaq tunineqarpoq 150.000 kr.-ilersillugu.

2013-imi pissarsiarinerani nalinga		500.000kr.
- 2013-imi nalikilliliineq	150.000 kr.	
-2014-imi nalikilliliineq	105.000 kr.	
-2015-imi nalikilliliineq	<u>73.500 kr.</u>	<u>-328.500 kr.</u>
Nalikillileereernerit kingorna 31.12.2015-imi nalinga		171.500 kr.
2016-imi tunineqarnerani akigititaq		<u>-150.000 kr.</u>
Ajunaarut, 2016-imut aningaasarsianik akileraaruteqaataasussanik naatsorsuinermi ilanngaatigineqartussaq		<u>21.500 kr.</u>

Naatsorsuinerup takutippaa nalikillieriaat 350.000 kr.-isoq (pissarsiarinerani nalingata 500.000 kr.-iusup tunineqarneranilu akigititap 150.000 kr.-iusup assigiingissutaat) piffissami 2013-imiit 2015-imut nalikilliliinertut 328.500 kr.it 2016-imilu tunineqarnerani ajunaarutit 21.500 kr.-it ilanngaatigineqarsimasut. Katillugit ilanngaatigineqartut 350.000 kr.-it nalikillieriaatiivit annertoqatigivaat.

**Assersuut 2 –illuutitik 2013-imi nalikilliliinerit annerpaaffisaat**

Illuut inuussutissarsiornermut atorneqartoq 2.000.000 kr.-inik nalilik 2011-mi pissarsiarineqarpoq, 2011-milu 300.000 kr.-it kiisalu 2012-imi nalikilliliissutigineqarlutik.

2011-mi pissarsiarinerani nalinga		2.000.000 kr.
2011-mi nalikilliliineq	300.000 kr.	
2012-imi nalikilliliineq	250.000 kr.	
2013-imi nalikilliliineq (annerpaamik 2.000.000 kr.-it 5 % iat)	<u>100.000 kr.</u>	<u>650.000 kr.</u>
Nalikillileereernerit kingorna 31.12.2013-imi nalinga		<u>1.350.000 kr.</u>

2013-imi nalikilliliissutigineqarsinnaapput annerpaamikpissarsiarinerani nalingata 2.000.000 kr.-it 5 %ii.

**Assersuut 3 – Umiarsuit 2013-imi nalikilliliissutigineqarnerat 2014-imilu iluanaarutit**

Umiarsuaq inuussutissarsiornermut atorneqartoq 2.100.000 kr.-inik nalilik 2011-mi pissarsiarineqarpoq. 2011-mi 400.000 kr.-it 2012-imilu 300.000 kr.-it nalikilliliissutigineqarput. 2013-imi nalikilliliissutigineqarsinnaasut annerpaaffissaannik nalikilliliisoqarpoq 2014-imilu uniarsuaq tunineqarpoq 1.300.000 kr.-inilersillugu.

2011-mi pissarsiarinerani nalinga		2.100.000 kr.
- 2011-mi nalikilliliineq	400.000 kr.	
-2012-imi nalikilliliineq	300.000 kr.	
-2013-imi nalikilliliineq (annerpaamik 2.100.000 kr.-it 10 %-ii)	<u>210.000 kr.</u>	<u>-910.000 kr.</u>

Nalikkilileereernerit kingorna 31.12.2013-imi nalinga 1.190.000 kr.

2014-imi tunineqarnerani akigititaaq -1.300.000 kr.

Iluanaarut, 2014-imut aningaasarsianik akilaaruteqaataasussanik  
naatsorsuineri ilanngunneqartussaag 110.000 kr.

2013-imi nalikkililiissutigineqarsinnaapput annerpaamik 2.100.000 kr.-it 10 %-ii 2014-imilu iluanaarut 110.000 kr.-inut  
naatsorsorneqassalluni.

**Assersuut 4 – nalikkililiissutigineqarsinnaasut sinneri aallaavigalugit 2013-imi nalikkililiinerit ingerlaannarlu nalikkililiisnaanerit  
om maksimale saldoaværdiafskrivninger i 2013 og straksafskrivninger**

Namminersorluni inuussutissarsiuteqartup 2012-ip naanerani ingerlatsineri atortunut nalikkililiissutigineqarsinnaasut sinneri  
300.000 kr.-it goodwill-illu nalikkililiissutigineqanngitsortaata sinneri 200.000 kr.-it nakilliliissuteqarfigisimangilai. Ingerlatsineri  
atortut 200.000 kr.-inik nalillit ingerlatsinerimullu atortut allat 80.000 kr.-inik nalillit 2013-imi pissarsiarineqarsimapput pequttanillu  
tunisaqartoqarsimalluni 60.000 kr.-inik akilersillugit.

Ingerlatsineri atortunut nalikkililiissutigineqarsimangitsut sinneri 300.000 kr.

Goodwill-ip nalingata nalikkililiissutigineqarsimangitsup sinnera 200.000 kr.

Nalikkililiissutigineqarsimangitsut 01.01.2013-imi sinneri 500.000 kr.

- pequtit tunineqarneranni akigititaaq -60.000 kr.

Ingerlatsineri atortut pissarsiarinerini nalingi 200.000 kr.

Ingerlatsineri atortut pissarsiarinerini nalingi 80.000 kr. 280.000 kr.

Ingerlaannaq nalikkililiinerit nalikkililiinerillu sioqqullugit nalingi 720.000 kr.

Ingerlaannaq nalikkililiissutigineqartut (pissarsiat ataasiaakkaat  
100.000 kr.-it ataallugit akillit) -80.000 kr.

Nalikkililiinerit sioqqullugit nalingi 640.000 kr.

Nalikkililiissutissat annerpaaffissaat (640.000 kr.-it 30 %-ii) -192.000 kr.

Nalikkililiissutigineqarsinnaasut 31.12.2013-imi sinneri 448.000 kr.

Nalikkililiissuteqarnissamat tunngavissaq 720.000 kr.-iuvoq. Tassangaanniit pissarsineri aki 80.000 kr. ilanngaatigineqarsinnaavoq  
(pissutigalugu nalinga 100.000 kr.-it sinnersimangimmagu ingerlaannaq nalikkililiissutigineqarsinnaagami). Tamatuma kingorna  
640.000 kr.-it 30 %-ii, assigaa 192.000 kr.-it, annerpaamik nalikkililiissutigineqarsinnaapput. Taamaalilluni nalikkililiissutigineqartut  
katillugit 272.000 kr.-iussapput (80.000 kr. + 192.000 kr.)